

## Dos kon Sie gonz egoal sin!

Seck,<sup>1)</sup> wie no kenne Eis'nboahn vo Bauž'n noa Wilth'n ging, thoat ei Weigsdorf doar Bot'nsfuhrmoan Mietschke Heinerch valle die Kist'n, die de Fawrikant'n vo Weigsdorf und Cunewal'e noa d'r Eis'nboahn geschafft hoann wollt'n, uff an Handwoin<sup>2)</sup> uffload'n und mött an Hunde uff'n Baužner Bahnhof fahr'n. Dos wor ač kee flennes Stücke, denn die Kist'n wor'n schwir un ging'n ei valler Harrn Länder.

Wie nu amol anne longe Reg'nzeit de Wege gonz pappeweich gemacht hoatte, müßt moi Mietschkeheinerch doch widder an Hümp'l Kist'n fortschaff'n. Doa goab's anne schwire Kiste mött Garn noa Gorlitz; anne zweete noa Dederan; anne dritte und vierte noa Doberan und Sagan, und asu furt, su doß Mietschke mött senn'<sup>3)</sup> Nero gehirig zu ziehn hoatte.

Wie e<sup>4)</sup> nu doß e su a harlb Stünd'l vir Bauž'n wor, thoat e ei d'r irscht<sup>5)</sup> amol ausruhn und ließ senn' Woin uff'm Fußwege vo de Schosseh stih'n. E hoatte'ch<sup>6)</sup> kaum verschauft, doa wird'm ač<sup>7)</sup> uff amol anne Dame aus d'r Stadt a de Kehne<sup>8)</sup> gelof'n komm, die de spazier'n ging. Die thoat'ch nu ne schlaicht<sup>9)</sup> argern, doß moi Mietschkeheinerch dan Fußweg versperrte.

Ümm doamött doß se nu ne ei de dicke Schuckloade neiwat'n sollt, soit<sup>10)</sup> se iwwer Mietschke gonz kurz, e sollt senn' Woin a Brünk'l<sup>11)</sup> uff de Seite schieb'n. Mei Mietschke oaber thoat gor ne d'rgleich'n. Wie nu doß die Stadtvoame odersch<sup>12)</sup> wurd und'm soite, - e gehirte uff de Fahrstroaße mött senn' Hundekarrn und ne uff'n Fußweg, doa wurd nu moi Mietschkeheinerch doch odersch und meente: E hätt keen Karr'n; dos wär a Woin, un dan hätt e vo weit her geschleppt und ümm dan schwir'n Woin uff de Seite zu schieb'n, thät e'ch dast'rwaig'n<sup>13)</sup> senne Knoch'n ne zerschind'n.

Na, wie dar nu gor ne wollt, sappte die Froo<sup>14)</sup> do no ei de Schuckloade nei ümm d'n Woin rümm un ging

<sup>1)</sup> damals, einst. <sup>2)</sup> Handwagen. <sup>3)</sup> mit seinem. <sup>4)</sup> er. <sup>5)</sup> zuerst. <sup>6)</sup> hatte sich. <sup>7)</sup> doch (nur). <sup>8)</sup> entgegen. <sup>9)</sup> schlecht. <sup>10)</sup> sagte. <sup>11)</sup> ein Weilchen, Augenblick. <sup>12)</sup> ärgerlich (entrüstet, zweifelt). <sup>13)</sup> deswegen. <sup>14)</sup> Frau.